

docriver 文川網
入駐商家 古籍書城
在文川網搜索古籍書城 获取更多電子書

中國方志叢書·華中地方·第五〇四號

浙江省
天台勝跡錄

據
明·潘 璫編輯
明嘉靖二十五年刊本
影印

成文出版社有限公司印行



10101901

中華民國七十二年三月臺一版

天台勝跡錄

全一冊

發行人：**黃成助**

台北郵政信箱二二六〇五號

出版者：**成文出版社有限公司**

台北郵政信箱二二六〇五號

台北市杭州南路一段6巷9號3F

電話：三九一六四一六〇（五線）

印刷者：**上林彩色印刷有限公司**

台北市大理街145號

新聞局出版登記證：局版台業字第二四三號

天台勝跡錄序

天台之名聞於世自晉劉阮而已然矣雖其說涉於荒唐難以盡信而山水之勝不可誣也厥後詞臣墨客流寓寄傲於其間者盛而述作之富不可勝紀潘梅壑氏產于茲土懼其久而散逸乃博考群藉旁搜石刻選粹正訛彙次成帙命曰天台勝跡錄不憚脩阻請予請序予作曰勤矣哉梅壑之用心也其有功於天台不多乎竊嘗聞之山川顯晦皆繫乎人然而遇與不遇則有幸不幸存焉滁之山以歐陽氏之記顯赤

docsriver 文川网
入驻商家 古籍书城

在文川网搜索古籍书城 获取更多电子书

壁以蘇氏之賦顯自今觀之滁山與夫山也赤壁猶夫水也而遇於文章鉅公豈非幸與鴈宕桂山皆天下之奇勝也在漢唐固無聞焉由是推之則今之名山秀水不幸托非其地泯滅而無聞者豈其微哉乃若天台之勝得附能言之士以聞於世則名非過情然視夫托非其地泯滅而無聞者亦不為非幸矣嗟乎豈直山川然哉士生斯世幸而獲遇若伊尹之於湯呂望之於文王諸葛之於昭烈古今數人而已夫何吐握之風日漸以微巖穴之下豈無抱經濟之才

流落不偶而與遺珠之嘆者乎楊于王庭固皆
一時之選然其間豈無德薄而位尊力小而任
重卒貽覆餗之羞者乎則其幸與不幸又見大
焉者矣予於此竊有所感故僭及之梅壑名賦
字子良嘗著山川昆蟲百詠重脩天台詩選蓋
亦不幸而不遇者與

賜進士第資政大夫南京都察院掌院事右都
御史前刑部侍郎致仕黃巖南渠王爌撰

三月廿五日

丁

天台勝跡錄卷之一

邑人梅壑潘 瑛編輯

僊居介山林應麒枝刊

天台山賦

孫紳字典公太原人
未加太守

天台者蓋山嶽之神秀也者涉海則有方丈蓬萊
登陸則有四明天台皆元聖之所遊化靈僊之
所窟宅夫其峻極之狀嘉祥之美窮山海之瓌
富盡人神之壯麗矣所以不列於五嶽闕載於
常典者豈不以所立冥奧其路幽迥或倒景於
重溟或陔峯於下嶺始經魑魅之途卒踐無人

之境舉世罕能登陟王者莫由禋祀故事絕於
常篇名標於奇紀然圖象之興豈虛也哉非夫
違世翫道絕粒茹芝者烏能舉而宅之非夫遠
寄冥搜篤信通神者何肯遙想而存之余所以馳
神運思晝詠宵興俛仰之間若已再升者也方
解纓絡未托茲嶺不任吟想之至聊奮藻以散
懷

太虛遼廓而無閔運自然之妙有融而爲川瀆
結而爲山阜嗟台嶽之所奇擬寔神明之所扶
持蔭牛宿以曜峰托靈越以正基結根彌於華

岱直指高於九疑應配天於東巖峻極於周
 詩邈彼絕域幽邃窈窕近知者以守見而不知
 者以路絕而莫曉晒夏蟲之疑冰整輕翻而思
 矯理無隱而不彰啓二竒以示兆赤城霞起以
 建標瀑布飛流而界道觀靈驗而遂徂忽乎吾
 之將行仍羽人於丹丘尋不死之福庭苟台嶺
 之可攀亦何羨於層城釋域中之常憲暢超然
 之高情被毛褐之森森振金策之鈔鈔披荒蕪
 之蒙籠陟峭崿之崢嶸濟猶溪而直進落五界
 而迅征跨穹窿之懸磴臨萬丈之絕冥踐莓苔

之滑石搏壁立之翠屏攬膠木之長蘿援葛藟
之飛莖雖一冒於垂堂乃未存乎長生必契誠
於幽昧履重險而逾平旣克濟於九折路威夷
而脩通恣心目之寥明任緩步之從容藉萋萋
之纖草蔭落落之長松覲翔鸞之裔裔聽鳴鳳
之嗒嗒過靈溪而一濯疏煩想於心胸蕩遺塵
於旋流發五蓋於遊蒙追羲農之絕軌躡二老
之玄蹤陟降信宿迄乎玄都雙闕雲竦以夾踞
瓊臺中天而懸居珠閣玲瓏於林間玉宇陰映
于高隅彤雲斐亘以翼檀微日爛晃於綺疏八

桂森挺以凌霄五芝含秀而晨敷惠應修芳於
陽林醴泉湧溜於陰渠建木滅影於千尋琪樹
璀璨而雷珠王喬控鶴以冲天應真飛錫而躡
虛嶼神變之揮霍忽出有而入無於是遊覽既
周體靜心閒害馬已去世事都捐投刃皆虛目
牛無全凝思幽巖浩味大川爾乃羲和亭牛遊
氣高寒法鼓琅以振響來香馥以揚烟肆覲天
宗爰集通僊挹以玄瀉以新池之泉散
以象外之說暢以無生之篇悟遺存之不盡覺
涉無之有間泯色空以合跡忽即有而得玄釋

原稿不清

二名之同幽清一無於三幡恣語樂以終日等
寂默於不言潭萬象以冥觀兀同體於自然

天台山賦

白玉蟾

字以閣號海
有翁

天台之山神僊景象周回八百餘里高聳萬八
千丈實金庭之洞天乃玉京之福壤霓裳羽節
之隱顯有無天簫雲璈之清虛噫噉赤烏吳王
之脩崇景雲曆宗之典創琳宮葉殿而壯麗千
載煙嶠松崖而塊奇萬丈雲隨羽客在瓊臺雙
闕之間鶴唳芝田正桐栢靈墟之上丹元真人
之身居亦城左極仙翁而坐斷翠屏衆妙臺空

而曠古陳跡法輪院在而何年授經藤蘿蒼
而夜月照白蒿莽荆榛而曉烟鎖青勢吞吳楚
而峻極紫霄見彼柳史君之什地接蓬萊而臨
滄海形於韓擇木之銘千丈瀑布而上跨石橋
萬頃雲花而橫舒佛龍三井龍蟠而水激石吼
九峰虎嘯而風生樹壑紫檜封丹兮老幹不死
碧泉漱玉兮飛流自湧玄璵蒼武之恠石天成
黃精白朮而靈苗仙種剝苔剔蘚而尋訪真跡
斡竹縛茅而迹其冗俗昭慶院法輪院雲間之
鷄犬相聞元明宮洞天宮烟深之樓臺爭聳知

天開地闢之久矣信神剏鬼劃之奇哉萬頃碧
琉璃之水千層青翡翠之岷風響笙響而子晉
何在花香水香而劉郎不回月洞風林之野鶴
夜唳雲溪月隴之山猿曉哀幽鳥一聲兮花落
青澗飛螢數點兮露沾丹霞飛華頂之峰援天
峻極紫霧鎖方瀛之踞峭壁崔嵬椿庭檜殿之
金磬敲風竹院松齋之玉琴弄月翠檻丹楹兮
山染藻穉碧眼蒼髯兮星冠羽褐丹爐灰冷而
久兮不火仙蛇壇高而知誰換骨金漿玉醴兮
泉列石髓瓊樹琪林兮花開春雪鄰峰古寺之

或顯靈異古德聖僧而相傳衣鉢冥冥中得與
國清之伽藍智顛普明起定光之法窟淨子耘
樂仙翁種茶春紉素蘭而秋憶黃菊曉吸玄露
而暮餐赤霞倚松長嘯而落日北鶴採芝歸來
而斜陽噪鷓唐有甘泉而坐此翠石漢其高察
而隱于白沙憑雲翼於岑頭種玉蓮而結子徐
默希於岩頂栽鐵樹以開花文章不療山水癖
身心每被溪山縛躡芒屨而扶蒼柯披麻葉而
載青箬携黃庭而歸冲齒之菴吟洞章而登凌
虛之閣野鳥鳴嚶嚶山花開灼灼玉霄峰上水

嗚咽華琳峰前雲寂寞烟駕浮空天渺渺空翠
舞蕭韶雲駢入洞風泠泠洞門無鎖鑰登翠微
而望香林陟紫霄而顧玉泉仙花靈草而蒼翠
無邊千巖萬壑而森羅目前吟李白天台之詩
賡張藉天台之篇塵襟俗垢俱洗盡兩袂飄飄
身欲仙我欲駕青龍而呼白鸞乘風飛去瀛洲
之外方丈之巔

登天台篇

梁李巨仁

台山稱地鎮千仞上凌霄雲開金闕迥霧暗石
梁遙翠微橫鳥踏珠間入星橋風急清溪晚

docsriver 文川网
入驻商家 古籍书城

在文川网搜索古籍书城 获取更多电子书

起赤城朝寓目幽棲地駕言追綺季避世桃源
士忘情漆園吏抽簪傲九辟脫屣輕千駟沈冥
負俗心蕭洒凌雲意蒼蒼聳極天伏眺盡山川
疊峰如翡翠分崖若斷烟淺深聞過渡輕重聽
飛泉採藥逢三島尋真值九仙藏書允幾代看
博已經千劫將追羽客千載一來旋

登天台山

葛玄

字孝先丹陽人封
天台山道士真人

高高山上山山中白雲間瀑布低頭看青天舉
手攀石橋橫海外風雨落人間不見紅塵客時
時鶴往還

思天台

許渾

字仲晦丹陽人太和六年進士

赤城雲雪深
山客負歸心
昨夜西齋宿
明月琪樹林

早發天台

來往天台天姥間
欲求真訣駐衰顏
星河半落巖前寺
雲霧初開嶺上關
丹壑樹多風浩浩
碧溪苔淺水潺潺
可知劉阮逢人處
行盡深山又是山

憶天台

劉禹錫

字夢得中山人

常記遊靈境
道人情不低
巖房容偃息
天路許

相携霞散曙峰外
虹生涼瀑西
何當謝塵役
重去聽猿啼

尋天台山

孟浩然

襄陽人

吾愛太一子
食霞卧赤城
欲尋華頂去
不憚惡溪名
歇馬憑雲宿
揚帆截海行
高高翠微裏
遙見石梁橫

入天台山

方干

字雄飛
桐廬人

路入天台氣象清
垂鞭樹石罅
中行霧昏不見
西陵岸風急
先聞瀑布聲

春日行天台

貫休

重重太古色濛濛花雨時好峯行不盡流水語
相隨黑壤生紅木黃猿引白兒因思石橋路曾
與道人期

夢遊天台山

李白 字太白

天溶溶雲濛濛天風一日吹我夢我夢再上天
台東台山四萬八千丈上有玉平之府乃與瑤
天通長橋一道度絕壑猶如虹霓隱隱盤晴空
台山星斗手可摘玉京石扇開玲瓏樓閣銀闕
照初日半天僊樂聞笙鏞海霧捲泐亦城曉方
廣宛在虛無中仙源流水隔凡世天風吹落桃

花紅五百真僊隱踪跡天人蹴踏會不能念
半熟蛇護樹錦策倒掛此枝松松葉寒在泥
雪下有兀坐龐眉翁心空意定神氣秀眉白
髮雙睛瞳既非桐栢僊又非閻立公乃知定公
招我手邀我共入摩尼宮甘露洗我身靈液澆
我胸授我天台之寶訣可以揮手考八極真與
造化流無窮言未盡情未終獨鶴一聲驚我夢
自古活佛現方廣白月掛在人姥東

望天台山二首

陳恬

清陽不得到華頂徘徊當知吾性分自有一

天台

氣驟雲烟速風飛山嶽推神遊八極表何必說

天台

天台獨夜

徐凝

銀地秋月色石梁溪聲誰知寂齒盡為破蒼

苔行

夏夜懷天台

陳陶 字嵩伯
豐城人

竹齋睡餘柘梁清曉風誇我勞此生忽憶天台
掩書坐澗雲起盡紅峰嶽

重遊天台

李郢

南國天台山水奇
石橋危險古來知
龍潭直下一百丈
誰見生公獨坐時

憶遊天台

張祐

字永吉
南陽人

憶昨天台到赤城
幾朝仙籟耳中生
雲龍出水風聲迴
海鶴鳴臯月色清
石笋半山移步險
桂花當洞拂衣輕
今來盡是人間夢
劉阮茫茫何處尋

遊天台

崔嵬海西鎮
靈跡傳萬古
羣峰自來朝
壘壘孫侍祖
三茅即拳石
一室猶塊土
旁洞窟神僊中

巖宅龍虎名從乾取象位與坤作輔鸞鶴自相
群前人空若瞽嶠巖割秋碧媧女徒巧補視聽
出塵埃處高心漸苦纒登招手石肘底笑天姥
仰看華蓋尖赤日雲上午奔雷撼深谷下見山
脚兩回首望四明轟轟若城堵昏晨邈千熊恐
動非自主控鵠大夢中坐覺身詡詡東溟子時
月却孕元化毋彭蠡不盈盃浙江微辨縷石梁
屹橫架萬仞千壁監却瞰赤城巔勢來如刀斲
盤松國清道九里天莫覩穹崇上嶺三峽岨俯
聳五空厓絕凡跡痴立塵與塵邈峻極天門觀

海窮地戶金庭路非遠徒步欲將舉身樂道家
流敷儒者一矩行尋白雲叟禮象登峻宇佛窟
了杉栴僊壇半榛莽懸厓與飛瀑險噴難之俯
海眼三井通羽門雙闕柱臺下昏側于足前
採乳但造不死鄉前勞何足數

天台道中

謝深甫

字子肅
惠正公

溪繞青山路繞溪山長溪曲路高低晴灘淺濕
舟如盪危磴稜層石作梯晚照荒村飛鳥入秋
風落葉敗蟬嘶碧雲四合長天暮轉使鄉閭望
眼迷

自新昌入天台

鄭伯英

字景元號愚翁

升高無過胡孫插行險勝於老景梯何事將身
來試此要參大士石橋西

天台夜雨作

姚寬

瘴海遠拈天山城入暝烟春潮生蛤蜊夜雨長
蝸涎燈几花時落風簾客未眠平生懷此地今
夕意茫然

別天台

高僧孫

字續古號蔬寮

早乘霞氣入蓬萊不識神僊也不來曾與赤松

遊數日自携王女上西臺當時共說黃房事

首空驚碧海埃前度劉郎今得度桃花一一爲
郎開

天台渡

一江夾清渾回首青村注餘雲拖薄潤遠靄霏
輕素船輕順流下石狹奔湍怒蒼陰布僊跡野
芳生幽趣山色各有舊春情宛如訴徘徊良自
得決漉又將暮遐瞻金碧庭可入丹泉路今夜
宿桃花切莫匆匆去

天台道中

落花入溪口山山皆可佳橫江碧水急後峰白

雲霾野藥綴殿子危松換新釵魚輕爭湊口蘭
瘦深依涯此處若有仙欲留殊未偕一來愛清
氣全是牽幽懷空色下映水風聲響高崖草草
亦難通借泉洗青鱗

次韻沈元用游天台三首 呂顯浩

出處何勞問大鈞如公材器畧鋪陳談兵玉帳
詩書卽演誥綸闈侍從臣萬壘雲山聊寓目一
方僊宅自藏身中原未復須留念先入夷門漸
入秦

docsriver 文川网
入驻商家 古籍书城

在文川网搜索古籍书城 获取更多电子书

山居猶不厭山行石磴歌危步履輕夾路
雙闕在幽巖應有玉芝生春寒未放千鶯
暖先催布谷鳴我欲管菲為俗爲無費
方兄

前塵轉無彈淚紅
思却日屢乘鐵馬聽嘶風誰憐老去
春猶自
覺閑來草屐空滿地
相通

別天台

携家隱青山青山不我留
遣我出山去丹拜辭

丹丘王命急星火駕言促西游朝游白雲城暮
宿黃花洲佳人牽我衣挽斷不回頭路傍立携
叟問我何處來長安美少年氣槩凌清秋鸞臺
與鳳閣 一皆俊游掉臂爾欲往獨不慄且羞
此言真吾藥口訥不易酬我本麋鹿性直與山
林投云何就冷局歲月空悠悠願公者我還長
嘯賦歸休

天台思古

趙湘

游人行盡天台路僊家杳杳知何處惟有山前
一派溪落花依舊留春暮